

**CONVENIO DE COLABORACIÓN EMPRESARIAL RELATIVO A
ACTIVIDADES DE INTERÉS XERAL ENTRE SOGAMA S.A E O CONCELLO
DE ORDES**

MEMORIA XUSTIFICATIVA

O Presidente da Sociedade Galega do Medio Ambiente, S.A.

DECLARA:

Que esta Sociedade ten previsto formalizar co Concello de Ordes o instrumento convencional arriba referido con efectos dende a súa firma ata o 15 de abril de 2022.

Antecedentes

Que a Sociedade Galega do Medio Ambiente, empresa pública adscrita na actualidade á Consellería de Medio Ambiente, Territorio e Vivenda da Xunta de Galicia, que ten encomendada a xestión institucional dos residuos urbanos dos Concellos de Galicia que decidan xestionar os seus residuos a través desta sociedade ten a implantación das súas instalacións principais de tratamento no Concello de Cerceda, limítrofe ao Concello de Ordes.

Que a Sociedade Galega de Medio Ambiente, vén asinando convenios de colaboración co Concello de Ordes dada a súa localización neste municipio limítrofe as principais instalacións de Xestión de Residuos Urbanos de Galicia, integradas polo Complexo Ambiental de Cerceda e o Vertedoiro de Areosa.

Que o Concello de Ordes, vén desenvolvendo unha intensa actividade protectora e asistencial, entre a que destaca a construción do Centro Sociocomunitario "Isabel Zendal". Este centro divídese en diferentes áreas dedicadas á prestación de servizos sociais cuxos beneficiarios son a infancia, a mocidade, a adolescencia e as persoas maiores. Buscando dotarse dunha estrutura que lle permita satisfacer as necesidades destes colectivos, entre os que se atopan persoas que viron minguadas as súas facultades físicas e/ou cognitivas, o Centro Sociocomunitario "Isabel Zendal" necesita dotarse de

singulares elementos especialmente axeitados para acadar os fins para os que foi deseñado.

Que SOGAMA entende que debe seguir aportando recursos ao seu alcance como cooperación para a mellora do medio natural e social do municipio, e seguir impulsando o seu crecemento económico, a xeración de riqueza e emprego estable e, en definitiva, a mellorar a calidade de todos os seus habitantes. Todo o anterior xustifica e fundamenta o marcado interese público, social e económico que ten e persegue a formalización do convenio analizado.

Finalidade e Obxecto do Convenio

O obxecto deste convenio é a colaboración entre ambas as institucións do sector público para obter parte da dotación necesaria para amoblar o Centro Sociocomunitario "Isabel Zendal", aportando financiación específica para dita finalidade.

Fundamentación do instrumento convencional:

Ademais do contido nos antecedentes anteriormente expostos, a sinatura do convenio fundaméntase na necesidade compartida de que se siga mantendo un axeitado clima de harmonía, necesario para que sigan convivindo de forma axeitada as instalacións industriais complexas que conforman a actividade de SOGAMA, cun municipio de carácter eminentemente rural, que por ser limítrofe, a pola súa situación xeográfica, soporta a meirande parte do tráfico pesado de transporte dos residuos. que entran e saen das instalacións, entendendo ambas partes que o desenvolvemento sostible, tanto económico, social e medioambiental do Concello deben ir parello, sendo este o obxectivo principal deste Convenio.

Para isto SOGAMA entende que debe seguir aportando recursos ao seu alcance como cooperación para a mellora da contorna natural e social do municipio, favorecendo o seu crecemento económico, a xeración de riqueza e emprego estable, contribuíndo a mellorar a calidade de vida de todos os seus habitantes. Todo o anterior, xustifica e fundamenta sobradamente o marcado interese público, social e económico que ten e persigue a formalización deste convenio.

Por último, o convenio enmárcase nas actividades da responsabilidade social da Sociedade Galega do Medio Ambiente, sendo o negocio xurídico privado, instrumentado mediante un convenio de colaboración empresarial en actividades de interese xeral de mecenado, regulado polo artigo 25 da Lei 49/2002 de Réxime Fiscal das Entidades sen Fins de Lucro e dos incentivos ao Mecenado.

O convenio de colaboración supón obrigas económicas para SOGAMA, cunha achega económica máxima de 12.000 euros, con cargo aos seus orzamentos, a aboar na anualidade de 2022.

Ao non superarse a contía establecida na Disposición adicional segunda da Lei 1/2016, de 18 de xaneiro, de Transparencia e bo Goberno, nin unha anualidade de duración, o convenio non precisa a autorización previa do Consello da Xunta

Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, de 8 de novembro, de Contratos do Sector Público ao tratarse dun convenio de colaboración de conformidade co establecido no artigo 6º de dita norma, sen prexuízo de que, da acordo co previsto no seu artigo 4º, lle sexan de aplicación os principios desta Lei para resolver as dúbidas e lagoas que puidesen presentarse.

Javier Domínguez Lino
Presidente